

SOLNOMASI

HAR CHORAKDA BIR MARTA CHOP ETILADI



2023 -yil – Insonga e'tibor va sifatli ta'lim yili

XALQARO

BOBURSHOH

ILMIY-AMALIY KONFERENSIYA



➤ **Tanzila Norbayeva**,
O'zbekiston Respublikasi
Oliy Majlisi Senati Raisi

TANZILA NORBAYEVA: YOSHLAR MUAMMOLARI YECHIMIGA OID VAZIFALAR DOIMO DIQQAT – MARKAZIMIZDA

Senat Raisi universitetda talaba-yoshlar uchun yaratilgan shart-sharoitlar, imkoniyatlar bilan yaqindan tanishdi. Tashrif chog'ida talabalar bilan yuzma-yuz muloqotda bo'ldi. Ochiq muloqot ruhida o'tgan davra suhbatida yoshlar o'zlarini qiziqtirgan ko'plab savollarga javob oldilar.

Tanzila Norbayeva yoshlarga doir davlat siyosati samaradorligini ta'minlash, ularni tashvishga solayotgan muammolarni samarali hal qilish maqsadida bundan buyon yoshlar bilan mutlaqo yangicha ish olib borilayotganini e'tirof etdi.

davomi 2-betda ➤➤



➤ **Bilal Chakiji**,
TURKSOY bosh kotibi o'rinbosari

Ajdodlarni xotirlamoq ularni qoldirgan madaniy va ma'naviy merosini o'rganmoq, yoshlarni bu bilimlardan bahramand etmoq yuksak qadriyat hisoblanadi. Buning natijasi o'laroq, har yili yurtimizda tariximizda o'chmas iz qoldirgan buyuk siymolarni yod olish, ularga bag'ishlab xotira kechalarini tashkil etish an'anaga aylangan. Joriy yilning 13-14-aprel kunlari Qo'qon universitetida o'tkazilgan **"Xalqaro Boburshoh"** ko'rgazmasi Bobur ilmiy-adabiy merosini keng tadqiq va tahlil etish orqali yoshlarimizning bilimlari yuksalishiga katta hissa qo'shishiga xizmat qildi.

davomi 4-betda ➤➤

"Adolatli ijtimoiy siyosat yuritish, inson kapitalini rivojlantirishning eng muhim omili hisoblangan sifatli ta'lim-tarbiya masalasi bundan buyon ham doimiy e'tiborimiz markazida bo'ladi"

Shavkat Mirziyoyev, O'zbekiston Respublikasi Prezidenti



➤ **G'afurjon Zaxidov**,
Qo'qon universiteti direktori,
Iqtisodiyot fanlari doktori, professor

KONSTITUTSIYAVIY ISLOHOTLAR – TA'LIM TASHKILOTLARI RIVOJI ASOSI

Rektor minbari !!!

Bugungi global davrda oliy ta'lim tizimi tarixiy islohotlarni boshidan kechirib,

mamlakatimiz taraqqiyotiga munosib o'zgarish va yanilanishlar olib kelmoqda.

Qabul kvotalari tez sur'atlarda ortayotgani, kirish imtihonlaridagi yengilliklar, yoshlar uchun imtiyoz va imkoniyatlar kengaygani, amaliyotga boshqaruvning yangicha tamoyillari joriy etilayotgani, o'qish va o'qitishning zamonaviy uslublari qo'llanilayotgani – bularning barchasi oliy ta'lim tizimida tashlanayotgan yangi qadamlar samarasidir.

Shu bilan birga, professor-o'qituvchilarni har to-

monlama qo'llab-quvvatlash, ularning mehnatini munosib rag'batlantirish, xorijiy hamkorlikni kengaytirish barobarida mamlakatimiz oliy ta'lim tizimining xalqaro imini yaxshilash borasida ham salmoqli ishlar qilinmoqda. Albatta, bu islohotlar zamirida Prezidentimiz Shavkat Mirziyoyev ilgari surgan, **barcha sa'y-harakatlarimiz inson uchun, inson qadri uchun**, degan ezgu g'oya mujassam.

» Davra suhbatida Senatning tegishli qo'mitalari Yoshlar ittifoqi bilan birga mamlakat taqdiriga befarq bo'lmagan yoshlar vakillari bilan hamkorlik qilayotgani aytib o'tildi. Qarorlar va eng muhimi **yangi tahrirlangan Konstitutsiya** xotin-qizlar, yoshlar muammolari yechimiga oid yangiliklar bilan boyitilgani, kelgusida ularni hayotga tatbiq etish yo'lidagi keng ko'lamli vazifalarni samarali amalga oshirishda yoshlarning bevosita ishtiroki zarurligi ta'kidlandi.

Muloqot chog'ida Senat Raisi talaba-yoshlarni yangi tahrirdagi Konstitutsiyaga kiritilgan normalar mazmun-mohiyati bilan atroflicha tanishtirdi. Yangilangan Konstitutsiyada inson huquq va erkinliklari kafolatlari kuchaytirilgani, O'zbekiston – suveren, demokratik, huquqiy va ijtimoiy davlat ekanligi, majburiy mehnat taqiqlanishining kafolatlari belgilanganligi, yangi normalarga muvofiq ta'lim olish huquqi va o'qituvchilarning haq-huquqlari Konstitutsiya himoyasiga olinganligini alohida e'tirof etdi.

Talabalarimiz tomonidan nufuzli mehmonga tashrif va samimiy muloqot uchun minnatdorchilik bildirildi hamda qator takliflar ilgari surildi. Xususan,

Qo'qon yoshlari ezgu maqsad atrofida birlashdilar! Yangilangan Konstitutsiyada yoshlar huquqlariga oid eng muhim 5 ta imkoniyat belgilandi.

* Davlat yoshlarning

O'ZBEKISTON RESPUBLIKASI OLIY MAJLISI SENATI RAISI TANZILA NORBAYEVANING QO'QON UNIVERSITETIGA TASHRIFI



hukumat va yoshlar o'rtasida o'ziga xos ko'priq vazifasini o'tayotgan Oliy Majlis Qonunchilik palatasi huzuridagi Yoshlar parlamentiga universitetlardan ham vakil saylash taklifi Senat Raisi tomonidan ma'qullandi.

— **H u d u d l a r d a**
Qo'qon universitetidek yangi, zamonaviy universitetlar bo'lishi Muhtaram Prezidentimizning, barchamizning orzu va maqsadimiz edi. Yaqin yillarda yurtimizda 67 tagina universitet mavjud bo'lib, yoshlarning oliy ta'lim olish xohishi katta, lekin oliygohlarga qamrov kam edi. Endilikda joylarda shunday zamonaviy ta'lim berishga

ixtisoslashgan, yoshlarni qiziqtirgan barcha yo'nalishlarga ega universitetlarning bo'lishi bu juda katta imkoniyatdir, – dedi Senat Raisi Tanzila Norbayeva.

Davra suhbatida yakunda barcha talaba-yoshlar

mamlakatimizni rivojlantirishning uzoq muddatli strategiyasi, xalqimiz farovon hayotining kelajakdagi mustahkam huquqiy asosi hisoblangan yangilangan Konstitutsiyaga xayrixohlik bildirdilar.



shaxsiy, siyosiy, iqtisodiy, ijtimoiy, madaniy, ekologik huquqlari himoya qilinishini ta'minlaydi;

* davlat yoshlarning jamiyat va davlat hayotida faol ishtirok etishini

rag'batlantiradi;

* davlat yoshlarning intellektual, ijodiy, jismoniy va axloqiy jihatdan shakllanishi hamda rivojlanishi uchun shart-sharoitlar yaratadi;

* davlat yoshlarning ta'lim olish, sog'lig'ini saqlash, uy-joy, ishga joylashish, bandlik va dam olish borasidagi huquqlarini amalga oshirish uchun shart-sharoitlar yaratadi;

* davlat va jamiyat yoshlarda milliy va umuminsoniy qadriyatlarga sodiqlik, mamlakat hamda

xalqning boy madaniy merosidan faxrlanish, vatanparvarlik va Vatanga bo'lgan mehr-muhabbat tuyg'ularini shakllantirish to'g'risida g'amxo'rlik qiladi.

Bu muhim yangilanishlarga befarq bo'lmagan holda Qo'qon universiteti talaba-yoshlari, rahbariyat va ustozlar ham referendum arafasida Qo'qon shahrida o'tkazilgan **“Konstitutsiya – meniki, seniki, bizniki! Konstitutsiya o'zimizniki”** shiori ostidagi targ'ibot tadbirlarida faol qatnashdilar.





Navroz party

QO'QON UNIVERSITETIDA - YORQIN LAHZALAR



Oliyoghimizda xalqimizning go'zal an'anaviy milliy bayrami – Navro'zi olam katta taraddud bilan nishonlandi. Kun va tun tenglashadigan qutlug' kunlarda, ta'bir joiz bo'lsa universitetimiz madaniyatlar, qadriyatlar birlashgan va mujassam topgan keng maydonga aylandi.

Bayram tadbirida Qo'qon shahar hokimi Ma'rufjon Usmonov va Qo'qon universiteti rektori G'afurjon Zaxidovlar ishtirokchilarga

tabrik yo'lladilar, ma'naviy hayotimizning ziynati bo'lgan Navro'z ayyomi bilan qutladilar.

Anjumanga tashrif buyurgan shahar nuroniyolari Navro'zi olam yurtimizga qut-baraka olib kelishini tilab, duoga qo'l ochdilar.

Talabalar va ustozlar bayramga ijodkorona va sidqidildan yondashib, milliyligimizni jozibali talqin etdilar.



XALQIMIZNING TURMUSH TARZI, URF-ODATLARI – KO'RGAZMALARDA

bilan qadrlagan, obod qilgan, dunyoning sayqaliga aylantirgan ko'hna kent – Samarqand qo'rg'oni tiklandi. Bayramga kelgan mehmonlar xalqimizga xos mehmonnavozlik an'analari asosida kutib olindi.

Ko'rgazmalarda shuningdek, Namangan diyoringing urf-odatlarini o'z aksini topdi. “Kelin salom” marosimi orqali milliylikimiz jozibali tarzda talqin etildi.

Andijonsoy yoqasida joylashgan, Bobur vatani bo'lgan ko'rkam Andijonning o'ziga xos urf-odatlarini va qadriyatlarini keng namoyish etildi. Ayniqsa, ijodkor-o'qituvchi va talaba-shogirdlari tomonidan tikilgan qoraqalpoq qora uyi – o'tov barchaning e'tiborini tortdi.

Talabalarning sahna ko'rinishlari orqali xalqimizning milliy qahramonlarini gavdalandirdilar. Navro'z bayrami va xalqimiz tarixiga keng nazar solindi. Mardlar o'yinlari – chavandozlik, kurash va tosh ko'tarish musobaqalari o'tkazildi. Milliy kurash, tosh ko'tarish musobaqalarida pol-

von-talabalarimiz kashf etildi.

Bayram tadbiriga tanikli xonandalar – “Nihol” va “E'tirof” mukofotlari sovrindori Malika Egamberdiyeva hamda el suygan san'atkor Ilhom Ibrohimovlar jonli ijrolari bilan fayz bag'ishladilar. Navro'z bayrami milliy o'yinlar, bahodirlar bellashuvlari bilan qizg'in kechdi.

Barcha jamoalar “Eng yaxshi sahna ko'rinishi ijrochisi”, “Navro'z qadriyatlarining eng yaxshi talqinchisi” kabi qator nominatsiyalar bo'yicha g'olib bo'lib, pul mukofotlari, sayohatga yo'llanmalar bilan taqdirlandilar.



“Navro'z party”da bayram dasturxonlari xorazmcha tuxumbarak, ko'kbaraklar, qoraqalpoqcha beshbarmoq, chak-chak-u bo'g'irsoqlar bilan bezaldi. Yurtimizning turli hududlaridan kelib ta'lim olayotgan talaba-qizlarimiz bir-birlari bilan udumlar, qadriyatlar almashdilar. Bayramda Navro'zning yangi qirralari, yangi udumlari kashf

etildi.

Bir tomonda Markaziy Osiyo marvaridi – Farg'onaning bu bayram bilan bog'liq udumlari targ'ib qilinib, bayram dasturxonini farg'onacha milliy-bahoriy taomlar bilan bezatildi. Bug'doy undirildi. Qizlarimizga kiygan marg'iloncha atlas-u adraslari alohida zeb bag'ishladi. Bir yonda esa Amir Temur mehr

An'anaviy “Osh party”, “Muzqaymoq party” uyushtirildi, “Sumalak sayli” o'tkazildi. Navro'z barchaning qalbiga bahoriy ilqlik bag'ishlab, yorqin lahzalari bilan yodda qoldi.

"XALQARO BOBURSHOH" KONFERENSIYASI: CHUQUR TAHLIL, TADQIQ, MUNOZARA VA XULOSALARGA BOY O'TDI

Joriy yilning 13-14-aprel kunlari Qo'qon universitetida "Xalqaro Boburshoh" ilmiy-amaliy konferensiyasi yuqori saviyada o'tkazildi.

Konferensiyada Xalqaro turkiy madaniyat tashkiloti TURKSOY bosh kotibi o'rinbosari **Bilal Chakiji**, Farg'ona viloyati hokimi o'rinbosari **Xurshidjon Ahmedov**, Toshkent davlat o'zbek tili va adabiyoti universiteti rektori, filologiya fanlari doktori, professor Shuhrat Sirojiddinov, Boburnomidagi xalqaro jamoat fondi rahbari, O'zbekistonda xizmat ko'rsatgan madaniyat xodimi Zokirjon Mashrabov, Yozuvchilar uyushmasi raisi o'rinbosari Botirjon Ergashev, Turon Fanlar akademiyasi prezidenti va akademigi, tarix fanlari doktori Haydarbek Bobobekov, Qo'qon shahar

hokimi Ma'rufjon Usmonovlar ishtirok etdilar.

Xalqaro konferensiyada, shuningdek, Boku davlat universiteti, Al-Farobiy nomidagi Qozoq milliy universiteti, O'sh davlat universiteti va boshqa qator nufuzli oliygohlar professor-olimlari o'zlarining mavzuga ilmiy-tahliliy ma'ruzalari bilan qatnashdilar.

Zahiriddin Muhammad Boburning 540 yilligiga bag'ishlangan konferensiya yalpi majlisini Qo'qon universiteti rektori, iqtisodiyot fanlari doktori, professor G'afurjon Zaxidov kirish so'zi bilan ochdi.

Anjumanda turkiy xalqlar kelajagi bevosita hamjihatlikda o'tkazilayotgan shu kabi anjumanlar, tarixni tadqiq va targ'ib qilish, ilm-fan olami-

da hammaslaklikda faoliyat olib borishga qaratilgan sa'y-harakatlarga ko'p jihatdan bog'liq ekanligi e'tirof etildi. Barchaga konferensiya ishida muvaffaqiyat tilandi.

Konferensiya ochilishida TURKSOY bosh kotibi o'rinbosari Bilal Chakiji so'zga chiqib, ushbu nufuzli anjuman Boburning jahon xalqlari madaniyati xazinasidan munosib o'rin olgan ilmiy-adabiy merosini yanada keng tadqiq va tahlil etish, turkiy dunyo olimlari hamda Boburshunoslarining qimmatli ma'lumotlari ajdodlarimiz tarixini yanada keng taranum etish va yoshlarimizning bilimlari yuksalishiga katta hissa qo'shishini ta'kidlab o'tdi.

Bilal Chakiji Bosh kotib Sultan Rayevning salom va

– O'zbekiston Respublikasi Prezidentining dunyo tarixida o'chmas iz qoldirgan betakror siymo, buyuk shoir, qomusiy olim Zahiriddin Muhammad Bobur taval-ludining 540 yilligini keng nishonlash borasidagi tashabbuslari asosida olib borilayotgan ishlarni kuzatib, faxrlanmoqdamiz. Bobur hayoti va ijodiga doir noyob qo'lyozmalar va boshqa madaniy boyliklarni aniqlash, ularni O'zbekistonga olib kelish hamda tadqiq qilish borasidagi ishlar tahsinga loyiq. Bir so'z bilan aytganda, O'zbekiston buyuk ajdodlar merosiga sohib chiqib, turk dunyosiga namuna bo'lmoqda, desak mubolag'a bo'lmaydi.

Fursatdan foydalanib, Farg'ona va Qo'qon shahar hokimligi, "Xalqaro Boburshoh" konferensiyasini oliy darajada tashkillashga katta hissa qo'shgan Qo'qon universiteti rahbariyati hamda bebaho ma'ruzalari bilan ishtirok etayotgan barcha olimlarga o'z minnatdorchiligimizni bildiramiz.



Bilal Chakiji,
TURKSOY bosh kotibi o'rinbosari

– Prezidentimiz Shavkat Mirziyoyev raisligida Samarqand shahrida o'tkazilgan Turkiy davlatlar tashkiloti davlat rahbarlarining sammitida Yurtboshimizning tinchlik va do'stlik ramzi, fan va ma'rifat markazi bo'lgan Samarqand shahrini "Turkiy sivilizatsiya poytaxti", 2023-yilni esa "Turkiy sivilizatsiyaning yuksalish yili", deb e'lon qilish taklifi qizg'in qo'llab-quvvatlandi. "Men ishonaman, Turkiy dunyoni buyuk kelajak kutmoqda", dedi Davlatimiz rahbari.

Darhaqiqat, Xalqaro turkiy madaniyat tashkiloti – TURKSOY va Farg'ona viloyati hokimligi o'rtasida o'zaro hamkorlik memorandumini imzolandi. Bundan ko'zlangan maqsad, turizmni yanada rivojlantirish, o'zbek-turk madaniy aloqalarini kengaytirish, xalqaro konferensiya va tadbirlar o'tkazishda yanada ilg'or bo'lishdir. TURKSOY bilan hamkorlikda Qo'qon universitetida o'tkazilayotgan "Xalqaro Boburshoh" konferensiyasi ham hamkorligimiz samarasidir. Joriy yilda mana shunday bir necha yirik tadbirlarni o'tkazishni rejalashtirmoqdamiz. Bugungi konferensiya buyuk bobokalonimizning ibrat bo'larli qirralarini keng o'rganishga xizmat qiladi.

Konferensiya doirasida ma'ruzalarda Zahiriddin Muhammad ibn Umarshayx Mirzoning Andijon, Samarqand, Xo'jand, Hirotdan

boshlab Kobul va Agrabacha bo'lgan qamrovga ega 50 yillik tarixiy voqealar haqqoniy ifodasini topgan "Boburnoma" asari, u asos

solgan, uch yarim asrga yaqin hukm surgan boburiylar sulolasi tahliliy ko'rib chiqildi. XV asr oxiri – XVI asr boshlarida Sharq madaniya-

tabrigi, minnatdorchiligini konferensiya ishtirokchilariga yetkazdi.



XALQARO BOBURSHOH

ILMIY-AMALIY KONFERENSIYA DA

O'zbekiston, Qo'qon sh.
2023 yil 13-14 aprel

ULUSLARARASI

BOBURSHOH



Xurshidjon AHMEDOV,
Farg'ona viloyati hokimi o'rinbosari

ti, adabiyoti va she'riyatida o'chmas iz qoldirgan alloma mutafakkir, mohir qalam va qilich sohibining hayoti va ijodiga keng nazar solindi.



DILBAR SHAXS XOTIRLANDI

“Xalqaro Boburshoh” konferensiyasi doirasida oʻtkazilgan madaniy-maʼrifiy anjuman noziktaʼb shoir, turkiy olamning madaniy, lisoniy va tarixiy ravnaqiga hissa qoʻshgan dilbar siymo – Zahiriddin Muhammad Bobur shaxsiga ehtirom namunasi boʻldi.

Qardosh mehmonlar uchun musiqiy kompozitsion dastur taqdim etildi. “Bek” doirachilar ansambli, “Yangi Oʻzbekiston yoshlari” ijodkorlar guruhi hamda Oʻzbekiston sanʼat va madaniyat instituti Fargʻona mintaqaviy filialining aktyor-talabalar jamoasi tomonidan kuy-qoʻshiqlar, teatrlashtirilgan sahna koʻrinishlari namoyish qilindi.

Mehmonlar Boburning zahmatli, sermashaqqat, shu

bilan birga, ibratli hayoti va ijodini yoshlar talqinida tomosha qilib, yurtimiz sanʼatidan bahra oldilar.

Turkiy davlatlardan tashrif buyurgan mehmonlarda, ayniqsa, madaniy dastur, Qoʻqon shahrining tarixiy obidalariga uyushtirilgan sayohat katta taassurot qoldirdi.

Konferensiyaning yakuniy yigʻilishida barcha ishtirokchilarga minnatdorchilik bildirildi va sertifikatlar topshirildi.

Turkiy davlatlar professor-olimlari oʻzlari keltirgan nodir manbalar, kitoblarni Qoʻqon universiteti kutubxonasi uchun rektorimiz Gʻafurjon Zaxidovga topshirdilar. Talaba-yoshlarning buyuk ajdodimiz haqidagi maʼlumotlarni qiyosiy oʻrganish imkoniyatlari yanada kengaydi.

Qoʻqon universiteti direktori, iqtisodiyot fanlari doktori, professor Gʻafurjon Zaxidov Turkiy xalqlarning maʼnaviy



yaqinligi va qardoshlik birligini mustahkamlash, turkiy madaniyatni dunyoga tanitish va uning anʼanalarini kelajak avlodlarga yetkazish maqsadlarida faoliyat olib borayotgan TURKSOY tashkil topganligining 30 yilligiga bagʻishlangan oliy medal bilan birinchilardan boʻlib taqdirlandi. Umumiy til, madaniyat va maʼnaviy qadriyatlar

ga asoslangan bu hamkorlik shunday xalqaro mukofotga

loyiq ekani eʼtirof etildi.



TURKSOY VA QOʻQON UNIVERSITETI OʻRTASIDA HAMKORLIK MEMORANDUMI IMZOLANDI



Xalqaro turkiy madaniyat tashkiloti (TURKSOY) bosh kotibi oʻrinbosari Bilal Chakiji va Qoʻqon universiteti rektori, iqtisodiyot fanlari doktori Gʻafurjon Zaxidovlar ikki muassasa oʻrtasidagi hamkorlikning huquqiy asosi boʻladigan memorandumga imzo chekdilar.

Muzokara doirasida tomonlar turkiy dunyo madaniyati va merosini asrab-avaylash maqsadida ushbu sohada qoʻshma ilmiy-texnik tadqiqotlar olib borish, seminarlar, konferensiyalar, simpoziumlar, kongresslar, soha tadqiqotlari, koʻrgazmalar, tanlovlar, festivallar, konsertlar va turnirlar tashkil etishga kelishib oldilar.



“QO‘QON OLIMPIADASI” – YOSH BILIMDONLAR UCHUN SINOV MAYDONI

Qo‘qon universiteti, Qo‘qon shahar Maktabgacha ta‘lim va maktab ta‘limi bo‘limi, Qo‘qon shahar hokimligi hamkorligida o‘quvchi-yoshlarning ilm olishga intilishlarini rag‘batlantirish, matematika fanidan bilimli va iqtidorli yoshlarni kashf qilish va ularni qo‘llab-quvvatlash maqsadida “Qo‘qon olimpiadasi” o‘tkazildi.

Olimpiada Davlatimiz rahbarining 2022-yil 22-dekabrda Oliy Majlis va xalqimizga qilgan murojaatnomasi, “Insonga e‘tibor va sifatli ta‘lim yili” hamda Prezidentimizning **“Matematika sohasidagi ta‘lim sifatini oshirish va ilmiy tadqiqotlarni rivojlantirish chora-tadbirlari to‘g‘risida”**gi PQ-4708-sonli qarorida belgilangan vazifalar ijrosini ta‘minlash maqsadida tashkil etildi. “Qo‘qon olim-



piadasi” Qo‘qon shahridagi umumta‘lim maktablari, Prezident, ijod va ixtisoslashtirilgan maktablar hamda nodavlat ta‘lim muassasalarining 7-8, 9-10-11-sinf o‘quvchilari ishtirokida yuqori saviyada o‘tkazildi.

Joriy yilning 1-aprel kuni Qo‘qon shahridagi 45 ta umumta‘lim va ixtisoslashgan davlat umumta‘lim maktablarida o‘tkazilgan olimpiadaning birinchi bosqichida 1000 nafarga yaqin talabgor-o‘quvchilar katta qiziqish

bilan ishtirok etishdi. 8-aprel kuni Qo‘qon universitetida “Qo‘qon olimpiadasi”ning final bosqichi o‘tkazildi. Olimpiadaning ochilish tadbirida barcha bilimdonlarga omad tilandi. Ishtirokchilarga universitet va olimpiada logotipi tushirilgan zarur vositalar tarqatildi.

Olimpiadada maktablardagi aniq fanlar bo‘yicha eng qobiliyatli o‘quvchilarning bilimlari sinovdan o‘tkazildi. Ishtirokchilarga universitet va xalq ta‘limi tizimidan birik-

tirilgan mas‘ullar tomonidan test varaqalari tarqatildi.

Jarayonning shaffof va adolatli o‘tkazilishi olimpiada mas‘ullari tomonidan nazorat qilib borildi. Ishtirokchilarning ota-onalari va o‘qituvchilariga jarayonni kuzatish uchun shart-sharoitlar yaratib berildi. Ishtirokchi-o‘quvchilar maxsus tuzilgan 3 xil darajadagi 25 ta test savoliga javoblar berdilar. Barcha ishtirokchi-nomzodlarga teng sharoit va imkoniyatlar yaratilishi ta‘minlandi.

ENG IQTIDORLI MATEMATIKLAR NOMI MA‘LUM BO‘LDI

Hakamlar hay‘ati tomonidan “Qo‘qon olimpiadasi” ishtirokchilarining natijalarini baholash jarayonlariga adolatli yondashildi.

Olimpiadaning final bosqichida Qo‘qon shahri maktablarining 45 nafar 7-8-sinf o‘quvchilari ishtirok etdilar. Ular orasida Prezident ta‘lim muassasalari agentligi tizimidagi Qo‘qon shahar 2-ixtisoslashtirilgan maktabning 8-sinf o‘quvchisi Ayubxon Ahadov, 5-VIDUMIning 8-sinf o‘quvchisi Abdulbosit Karimov, 37-maktabning 7-sinf o‘quvchisi Shohrux Shokorov, 21-maktabning 7-sinf o‘quvchisi Arofat Solijonova, 40-maktabning 7-sinf o‘quvchisi Ayubxon Nurmatov va 2-maktabning 7-sinf o‘quvchisi Mubashirxon Akbarovlar eng

yuqori natijalarga erishib, g‘olib bo‘ldilar.

Shuningdek, yakuniy bosqichda 46 nafar 9-10-11-sinflar o‘quvchilari ishtirok etdilar. Ular orasida 37-umumta‘lim maktabining 11-sinf o‘quvchisi Abrorjon Abdug‘afforov, 30-maktab 9-sinf o‘quvchisi Saidfozilxon Sayidaliyev,

1-IDUMning 11-sinf o‘quvchisi Zahro Nosirova, 7-maktabning 10-sinf o‘quvchisi Mufazzal G‘aniyeva, 44-maktabning 11-sinf o‘quvchisi Muhammadjon Valiyev 32-IDUMning 11-sinf o‘quvchisi Robiya Muhammedjanova eng yuqori ballar to‘plab, g‘olib bo‘ldilar.

G‘oliblar tashkilot-

chilar tomonidan qimmatbaho sovg‘alar, Qo‘qon universitetida grantda o‘qish imkonini beruvchi vaucherlar bilantqdirlandilar. Olimpiadaning barcha ishtirokchilariga Faxriy yorliq va esdalik sovg‘alari topshirildi.

“Qo‘qon olimpiadasi”ni o‘tkazish asnosida har yili yosh iqtidorli matematiklarni kashf etish nazarda tutilgan. Olimpiada iqtidorli yoshlarni qidirib topish, ularni moddiy rag‘batlantirish orqali motivatsiya berish asosida yosh matematiklarning seleksiyasini amalga oshirish, oliy o‘quv yurtida tahsil olishlariga ko‘maklashish, ularning iqtidorini jamiyat rivoji yo‘lida safarbar etishga xizmat qiladi. Bu amaliyot esa, o‘z o‘rnida ilm-fanimiz taraqqiyotini yanada jadallashtiradi.



OLIMPIADA G'OLIBLARI ISHTIROKIDA UCHRASHUVLAR O'TKAZILDI



Qo'qon universitetida o'tkazilgan "Qo'qon olimpiadasi" ning g'oliblari va ustozlari bilan bevosita maktablarda uchrashuvlar tashkil etildi.

Xususan, Qo'qon shahar hokimi Ma'rufjon Usmonov, Qo'qon universiteti rahbariyati ishtirokida 37-umumta'lim maktabida olimpiada g'oliblarining yutuqlari keng targ'ib qilindi. G'olib o'quvchilar mukofotlanib, bilim olish yo'lidagi sa'y-harakatlarida muvaffaqiyatlar tilandi.

Shuningdek, iqtidorli yoshlarni tarbiyalayotgan matematika fani o'qituvchilari

va maktab direktoriga tashakkurnoma topshirildi.

Ota-onalar, o'quvchilar Prezidentimiz va hukumatimiz rahnamoligida yoshlarning ilm olishga intilishlarini rag'batlantirish, ularni qo'llab-quvvatlash borasida amalga oshirilayotgan ezgu ishlaridan cheksiz minnatdor ekanliklarini bildirishdi. Olimpiada tashkilotchi va homiylariga ham tashakkur izhor etishdi.

Qo'qon shahar 2-ixtisoslashtirilgan maktabining olimpiadada yuqori o'rinlarni qo'lga kiritgan o'quvchilari ham tabriklandi va esdalik

sovg'alari bilan taqdirlandilar.

Uchrashuvda shahar hokimi Ma'rufjon Usmonov davlatimiz rahbari tomonidan ta'lim sohasini rivojlantirishga qaratilayotgan e'tibor xususida to'xtalib, shahrimizda o'tkazilgan olimpiada yosh iqtidor egalarini aniqlash va yuzaga chiqarishga xizmat qilishiga ishonch bildirdi.

Bilimli yoshlarni tarbiyalayotgan matematika fani o'qituvchilari va maktab direktoriga ham tashakkurnoma topshirildi.

MUHIM TASHRIFLAR



TSI DELEGATSIYASINING TASHRIFI BO'LIB O'TDI

Transport va telekommunikatsiyalar instituti (Latviya Respublikasi) rektori, janob Yuris Kanels va Xalqaro aloqalar bo'limi mutaxassisi Inese Romanece xonim universitetimizda talabalar uchun yaratilgan shart-sharoitlar bilan tanishdilar.

Muzokaralarda talabalarining innovatsion g'oyalarini amalga oshirish, menejment, IT, robototexnika, logistika yo'nalishlarida bilimlarni

rivojlantirish, ilm yaratish va tarqatish xususida so'z bordi. Talabalarning karyeralarini muvaffaqiyatli boshlashlariga ko'maklashish, akademik va kasbiy mahoratlarini oshirish borasida tajribalar almashildi. Kelgusidagi hamkorlik yo'nalishlari belgilanib, talaba almashish, double degree – ikki mamlakat diplomi berish borasida anglashuv memorandumi imzolandi.

o'zlarini qiziqtirgan ko'plab savollariga javob oldilar. Konstitutsiyada aks etayotgan

tamoyillarga o'z munosabatlarini bildirdilar.



Durbek Ahmedov
Oliy Majlis Qonunchilik palatasi deputati



Mavluda Ibragimova
Oliy Majlis Qonunchilik palatasi deputati

DEPUTATLAR — UNIVERSITETIMIZDA

Oliygohimizga O'zbekiston Respublikasi Oliy Majlisi Qonunchilik palatasi deputati, Byudjet va iqtisodiy islohotlar qo'mitasi raisi o'rinbosari, iqtisodiyot fanlari doktori, professor Durbek Ahmedov, Oliy Majlis Qonunchilik palatasi Fuqarolarning sog'lig'ini saqlash masalalari qo'mitasi a'zosi Mavluda Ibragimovalar tashrif buyurdilar.

Deputatlar referendum oldidan talaba-yoshlarimiz bilan ochiq muloqot o'tkazib, inson manfaatlarini va qadr-qimmatini ustuvorlik kasb etgan Konstitutsiyaning mazmun-mohiyatini keng sharhladilar.

Professor Durbek Ahmedov yangi Konstitutsiya orqali suveren, demokratik, shu

bilan birga, ijtimoiy huquqiy davlat sari yo'limiz belgilab olinishi va bu tamoyillar kelgusi taraqqiyotimizda ustuvor ahamiyat kasb etishini ta'kidladi.

Uchrashuvda Konstitutsiyada belgilanayotgan yangi iqtisodiy tamoyillar xususida batafsil so'z borib, bu o'zgarishlar davlat kelajagi uchun muhim poydevor hisoblanishi e'tirof etildi.

Muloqot davomida talabalarga yoshlar huquqlariga oid yangiliklar yetkazildi. Shuningdek, ta'lim olish huquqi, o'qituvchining mehnati, sha'ni, qadr-qimmatini, nogironligi bo'lgan shaxslar himoyasi borasidagi yangiliklarga to'xtaldilar. Muloqotda universitet talabalari deputatlardan

KU VA YOSHLAR ITTIFOQI O'RTASIDA MEMORANDUM IMZOLANDI



Qo'qon universiteti rahbariyati va O'zbekiston Yoshlar ittifoqi Farg'ona viloyat Kengashi raisi o'rtasida uchrashuv bo'lib o'tdi.

Uchrashuvda yoshlarning madaniyatini boyitish, ularni rahbar sifatida shakllantirish xususida so'z bordi.

Memorandum imzolalanib, universitetda Yoshlar it-

tifoqi boshlang'ich tashkiloti faoliyati doirasida yoshlarning intellektual va ijodiy qobiliyatlarini rivojlantirishga ko'maklashuvchi klub va to'garaklar faoliyatini tashkil etish, hamkorlikda yoshlarga oid davlat siyosatini to'laqonli joriy etish, "Yoshlar press klubi"da xorijiy va xalqaro ekspertlar, talabalar ishtirokida uchrashuvlar tashkil etishga kelishib olindi.

KIUF DELEGATSIYA TASHRIF BUYURDI

Qo'qon universitetiga Farg'ona shahridagi O'zbekiston-Koreya Xalqaro universiteti (KIUF)ning Qabul va tashkiliy ishlar bo'yicha prorektori Lee Yun Sub boshchiligidagi delegatsiya tashrif buyurdi.

KIUF mutasaddilari universitetimiz kampusidagi imkoniyatlar, istiqboldagi strategik rejalar, akademik faoliyat va qabul tartiblari bilan ta-



nishtirildilar.

Uchrashuvda anglashuv memorandumini tuzish va hamkorlikni kengaytirish, Qo'qon universiteti tajribasini O'zbekiston-Koreya Xalqaro universitetida qo'llash borasi-da muzokaralar olib borildi.

XORIJIY PROFESSOR-O'QITUVCHI — UNIVERSITETIMIZDA

U bir semestr davomida Ta'lim kafedrasida professor-o'qituvchilari bilan hamkorlikda turk-o'zbek tillari bo'yicha lingvistik qiyoslov tadqiqotlarini olib bordi.

Shuningdek, turk tilini chet tili sifatida o'rgatish bo'yicha katta tajribaga ega Gulshah Eren tomonidan talabalarimiz uchun "Turk tili" to'garagi tashkil etildi va qar-dosh til o'rgatildi.



Turkiyaning nufuzli Ege universiteti professori, fan doktori **Gulshah Eren** Orhun almashinuv dasturi doirasida universitetimizga tashrif buyurdi.


TALABALAR LOYIHALARI UNICEF TOMONIDAN QO'LLAB-QUVVATLANDI

Qo'qon universitetida "ImkonLab" ijtimoiy tadbirkorlik laboratoriyasi loyihalari taqdimoti o'tkazildi.

Yoshlar ishlari agentligi, O'zbekiston yoshlar ittifoqi va UNICEF xalqaro bolalar

tashkiloti bilan hamkorlikda o'tkazilgan tadbirda Asaka va Qo'qon shaharlarining 11 ta jamoasi o'z loyihalari bilan ishtirok etdi.

Loyihalar UNICEFning yoshlar va innovatsiyalar



O'SH TEXNOLOGIYALAR UNIVERSITETI BILAN HAMKORLIK O'RNATILDI

O'shTU (Qirg'iziston Respublikasi) rektori, texnika fanlari doktori, professor Janbolot Tursunbayev boshchiligidagi delegatsiya a'zolari universitetimizda talabalar uchun yaratilgan shart-sharoitlar bilan yaqindan tanishdilar.

60 yillik tajribaga ega, muhandislik va texnologiyalar bo'yicha ixtisoslashgan bu ilg'or universitet vakillari oliygohimizdagi imkoniyatlar haqida ijobiy fikrlar bildirdilar.

O'zaro muzokaralarda

akademik faoliyat, ilm-fan va ishlab chiqarish integratsiyasi, mehnat bozori talablaridan kelib chiqqan holda malakali mutaxassislar tayyorlash borasidagi tajribalar almashildi.

Anglashuv memorandumini imzolalanib, o'qituvchi va talabalar almashish, qo'shma dasturlar va ilmiy tadqiqotlarni amalga oshirish bo'yicha kelishuvga erishildi. Departamentlararo hamkorlik yo'lga qo'yildi.



bilan ishlash mutaxassisi Hyeri Hyun xonim, Asaka va Qo'qon shahar hokimliklari vakillari hakamligida baholab borildi.

Quvonarlisi, Qo'qon uni-

versitetining ustozlari mentorligida tayyorgarlik bosqichlaridan o'tgan barcha yoshlar jamoasining biznes loyihalari ijtimoiy ahamiyatli deb baholandi va boshlang'ich moliyalashtirish imkoniyati qo'lga kiritildi.

Muhimi, grantlarni qo'lga kiritgan yoshlar safida universitetimizning 12 nafar talabasi ham bor.

Bosh muharrir
G'ofurjon Zaxidov

Matn muharriri
Muxtasar Isoqova

Sahifalovchi-dizayner
Asadbek Davrboyev

Fotomuxbir
Usmon Ibragimov

📍 Farg'ona viloyati, Qo'qon shahri,
Turkiston ko'chasi, 25 A-uy

☎ (+998) 73 545 55 55

📧 @kokanduniversity